

**2021-imi akileraarutigut ilanngaatisat il.il. imatut angissusilerneqarnissaannik  
Inatsisartut aalajangiinissaannik siunnersuut:**

<b>1. Inummut ilanngaat</b>	<b>kr. 48.000 (ukiumut)</b>
<b>2. Ilangaat aalajangersimasoq</b>	<b>kr. 10.000 (ukiumut)</b>
<b>3. Aningaasarsiat B-t akileraaruteqaataasusaaanngitsut</b>	<b>kr. 5.000 (ukiumut)</b>
<b>4. Killilimmik akileraartusaaatitaasut ilanngaataat</b>	<b>kr. 1.000 (ukiumut)</b>
<b>5. Kommunitut ataatsimut akileraarut</b>	<b>6%</b>

(Aningaasaqarnermut Nunanilu Avannarlerni suleqatigiinnermut Naalackersuisoq)

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq  
 Inatsisartunut ilaasortaq Múte Bourup Egede, Inuit Ataqatigiit, siulittaasup tullia  
 Inatsisartunut ilaasortaq Karl Kristian Kruse, Siumut  
 Inatsisartunut ilaasortaq Henrik Fleischer, Siumut  
 Inatsisartunut ilaasortaq Peter Olsen, Inuit Ataqatigiit  
 Inatsisartunut ilaasortaq Malene V. Rasmussen, Demokraatit  
 Inatsisartunut ilaasortaq Jens NapátôK', Partii Naleraq

Ulloq 22. maj, 2020, siullermeerinninnerup kingorna ataatsimiititaliap siunnersuut misissorpaa.

**1. Siunnersuutip imarisaa siunertaalu**

Naalackersuisut siunnersuutigat 2020-imut akileraarutigut ilanngaatisat il.il. 2021-imut sannilliullugit allannguuteqassanngitsut. Tamatuma peqatigisaanik kommuninut ataatsimut akileraarut allanngortinneqassanngitsuq siunnersuutigineqarpoq. Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimani eqqarsaatigalugit ilanngussaq 1 innersuussutigineqarpoq, soorluttaq 2021-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

## 2. Siunnersuutip Inatsisartunit siullermeerneqarnera

Siunnersuut amerlanerussuteqartunik taperserneqarnersoq akerlerineqarnerlorluunniit siullermeerinninnermi erseqqissumik oqariartuutigineqanngilaq. Siunnersuut aappassaaneerneqar-nissani sioqqullugu Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq.

Inummut ilanngaasut allannngortinneqanngitsoq oqallinnermi qitiutillugu sammineqarpoq. Inummut ilanngaasut 2005-imili akileraartarnikkut allannngortitsinnermi allannngorsimannngitsup qaffanneqarnissaa salliutillugu kissaatigineqarpoq. Minnerunngitsumik inummut ilanngaasut qaffanneqarnissaata sulissutiginnissaa ersarissumik piumassuseqarfigineqarpoq, taamaaliornik-kut ilanngaasut akileraartarnikkut nalingata aningaasat naleerukkiartornerisigut annikilliar-tornera unitsinneqarsinnaaqullugu annikillineqarsinnaaqulluguluunniit. Taamaalillunilu ilanngaasut qaffanneratigut innuttaasut pisissutissaasa amerlanerulernissaat aammalu sulinnissap pilerinarnerulernissaa kissaatigineqarpoq.

## 3. Tusarniaanermi akissutit

Naalakkersuisut ima paasissutissiippat:

*”Inatsisartut aalajangiiffigisassaattut siunnersuutaat kommuninut tusarniutigineqarami, tusarniaanermut piffissaliunneqartup iluani akissutinik takkuttoqarsimannngilaq.”*

Tusarniaanermullu qanoq sivilisutisumik piffissaliisoqarsimanersooq paasissutissiissutigine-qanngilaq.

## 4. Ataatsimiititaliap siunnersuummik suliarinninnera

Inuit akileraarutaat ingerlatseqatigiiffiillu akileraarutaat ilanngullugit akileraartarnermik iluar-saaqqinnissap pisariaqartinneqarnera, taamatullu suliaasaqarfinni allani innuttaasut inuuniar-nerminni nalinginnaasumik atugaannut pingaarutilinni iluarsaaqqinnissamik pisariaqartitsineq ataatsimiittarfimmi oqallinnermi assut initusut ataatsimiititaliamit aallarniutigalugu malugi-niarneqarpoq.

Inummut ilanngaasut malunnaatilimmik qaffanneqarnissaanik siunnersuuteqarnissaaq piaartu-mik sukumiisumik isumaliutigineqartariaqartoq Naalakkersuisunut tigussaasumik kaammatt-ututigineqarpoq. Siunnersuut taamaattoq isertitakinnernut akunnattumillu isertitalinnut iluaqutaassaaq aammalu isertitaqarnerpaat isertitakinnerpaallu akornanni assigiinngissummut annikillisaqataassalluni. Taama kissaateqarnermut tunuliaqutaavoq ilanngaasut akit ineriartor-nerannut malinnaasimannnginnerat aammalu inuiaqatigiit aningaasaqarnerata aatsaat taama pitsaatigilerneqarnera.

Tassunga atatillugu ataatsimiititaliamit oqaatigineqassaaq inuit akileraarutaat ingerlatseqati-giiffiillu akileraarutaat ilanngullugit akileraartarnermik iluarsaaqqinnissaaq assut pisariaqar-tinneqartoq siunnersuummik siullermeerinninnermi oqaatigineqarmat, soorluttaaq suliaasaqar-



finni allani innuttaasut inuuniarnerminni nalinginnaasumik atugaannut pingaarutilinni iluarsaaqqinnissamik pisariaqartitsineq oqaatigineqartoq. Siunnersuutip matuma naliliiffigineqarneranut atatillugu tamanna assut pisariaqartoq ataatsimiititaliaq isumaqarpoq, tassami allanguutissatut siunnersuuteqarnissamik kissaataasinnaasut nunatta karsiata aningaasaqarneranut assut sunniuteqarsinnaammata.

Naalackersuisut siunnersuutaannut allanguutissatut siunnersuummik tigussaasumik saqqummiussisoqarsimanngitsoq ataatsimiititaliamit oqaatigineqassaaq.

Ilanngaatit, minnerunngitsumillu inummut ilanngaatip, ullutsinnut naleqqunnerulersinneqarnissaannik kissaatit pillugit apeqqut nikeriarfiusimanngitsoq inersuarmi oqallinnermi pingaartinneqarmat ataatsimiititaliamit nassuerutigineqassaaq. Siullermeerinninnermi ilaatigut saqqummiunneqarpoq ilanngaatit qaffanneqarnissaat imaanngitsoq ataatsikkoortumik pissasoq, kisiannili ilaannakortumik qaffaasoqarsinnaasoq, tassa tamakkiisumik maanna qaffaanissaq piviusorsiortutut isigineqanngippat.

Umma siunnersuutip assinga pillugu UPA 2019-imi isumaliutissiissummini ataatsimiititaliap inassutigaa akileraartarnermik iluarsaaqqinnissaq sivisuumik utaqqineqarsimasoq Naalackersuisunit piaarnerpaamik siuarsarneqassasoq. Taamatulli inassuteqarneq siunnersuummut matumunnga sunniuteqarsimasorinangilaq. Tamatumalu peqatigisaanik siunnersuummut matumunnga allanguutissatut siunnersuutaasinnaasup aningaasalersornissaanut Inatsisartut aningaasassarsisinnanissaat piffissaq eqqarsaatigalugu piviusorsiunngilaq. Soorlu Naalackersuisut saqqummiussisutiminni paasissutissiissutigigaat ilanngaatit siunnersuummi matumani pineqartut upernaakkut ataatsimiinnermi Inatsisartunut saqqummiunneqartussaapput.

Taamaattumillu ilanngaatit pineqartut ukiuni aggersuni qanoq qaffakkiartuaartinneqarsinnaanerat 2020-mi ukiakkut ataatsimiinnermi nassuiaatigeqqullugu Naalackersuisut ataatsimiititaliamit piumasaqarfigineqarput.

Ilanngaatit naleqqussarneqarnissaannik Inatsisartunit piumasaqaatip sakkortuup aammalu aningaasalersuutissat qulakkeerneqarnissaannik pisariaqartitsinerup oqimaaqatigiissaarnissaat pisariaqassaaq. Naalackersuinikkut pingaarnersuinerit ingerlaavartut, corona pillugu suliata nassatarisaanik aningaasaqarnikkut massakkut inissisimaneq kiisalu inuiaqatigiit aningaasaqarnerat isiginiarneqartariaqartussaapput. Suliassaq taanna sivisunerusumik kinguartinneqarsinnaasutut ataatsimiititaliamit isigineqanngilaq.

Ilanngaatit assigiimmik agguataariffiusumik ukiumoortumik qaffanneqarneri qanoq kinguneqassanersoq pillugu nassuiaammik Naalackersuisut saqqummiusseqqullugit ataatsimiititaliamit piumasaqarfigineqarput. Ukiut tulluuttut sisamat assersuutitut atorneqarsinnaasut ataatsimiititaliamit matumani isumaliutigineqarpoq.

## **5. Siunnersuutip aningaasaqarnikkut kingunerisassai**

Siunnersuutip aningaasaqarnikkut allaffissornikkullu kingunerisassai pillugit siunnersuuteqartup naatsorsuutigisaanut Aningaasaqarnermut Akileraartarnermullu Ataatsimiititaliaq oqaaseqaatissaqanngilaq.


**6. Ataatsimiititaliap inassuteqaataa**

**Ataatsimiititaliap isumaqatigiittup** qulaani allassimasut tunngavigalugit siunnersuutip akuersissutigineqarnissaa inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Hermann Berthelsen,  
siulittaasoq



Múte Bourup. Egede




Karl Kristian Kruse



Henrik Fleischer

Peter Olsen



Malene V. Rasmussen



Jens NapátôK'